

Na osnovu člana 70. Zakona o javnim nabavkama („Službeni glasnik BiH“, broj 39/14, 59/22 i 50/24), člana 48. Statuta KCUS-a (Sl. novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (65-04-2-4654-1 od 01.02.2023.godine) na prijedlog Komisije za javnu nabavku Izvještaj broj 73-33-4-2423-3 od 04.02.2026.godine, Generalni direktor donosi:

ODLUKU

o izboru najpovoljnijeg ponuđača za
„Nabavku termokautera“

I

Prihvata se prijedlog Komisije za javnu nabavku, **Izvještaj broj 73-33-4-23591-3 od 27.03.2026.godine**, za postupak **„Nabavke termokautera“**, nakon provedenog otvorenog postupka sa Obavještenjem o nabavci broj 893-1-1-303-3-734/26 od 16.06.2026.godine da se za:

- LOT 1 - Aparat za dijometriju sa argon generatorom za potrebe Klinike za gastroenterohepatologiju**, donese Odluka o izboru najpovoljnijeg ponuđača i ugovor do okončanja ugovorenih obaveza dodjeli ponuđaču **ITALGROUP d.o.o. Sarajevo**, u iznosu od **80.000,00 KM bez PDV-a**, u skladu sa dostavljenom ponudom broj 1626/2026 od 16.07.2026.godine (KCUS broj 10-11-3-23584 od 16.07.2026.godine), odnosno prema jediničnim cijenama iz navedene ponude.

Osnovni elementi ugovora za LOT 1:

- Proizvođač, tip i model: EREBE Elektromedizin VIO 3 APC 3
- Ukupna vrijednost ugovora: **80.000,00 KM bez PDV-a + PDV 13.600,00,00 KM = 93.600,00 KM sa PDV-om;**
- Cijena je nepromjenjiva za cijeli ugovoreni period i izražena u KM;
- Dobavljač se obavezuje da će predmetnu nabavku, odnosno isporuku, montažu roba i opreme, te edukacije osoblja izvršiti u roku koji nije duži od 60 (šezdeset) dana od dana potpisivanja ugovora i izdavanja narudžbenice;
- Plaćanje ugovorenih obaveza vršit će se odgođeno u roku od **30 dana** od dana isporuke, montaže i kompletne instalacije i konfiguracije opreme/puštanja u rad, te okončanja obuke uposlenika, odnosno nakon potpisivanja Zapisnika/protokola o primopredaji opreme i ispostavljanja fakture;
- Garancija na predmetnu nabavku je 12 (dvanaest) mjeseci i teče od dana potpisivanja zapisnika/protokola o primopredaji;

- LOT 2 - Aparat za dijometriju sa argon generatorom za potrebe Klinike za opštu i abdominalnu hirurgiju**, donese Odluka o izboru najpovoljnijeg ponuđača i ugovor do okončanja ugovorenih obaveza dodjeli ponuđaču **ALFA – MED d.o.o. Tomislavgrad**, u iznosu od **79.997,30 KM bez PDV-a**, u skladu sa dostavljenom ponudom broj 0925270_16 od 01.07.2026.godine (KCUS broj 10-11-3-23583 od 16.07.2026.godine), odnosno prema jediničnim cijenama iz navedene ponude.

Osnovni elementi ugovora za LOT 2:

- Proizvođač, tip i model: KLS Martin, Njemačka, maXium smart Q MMMBB sa dodacima
- Ukupna vrijednost ugovora: **79.997,30 KM bez PDV-a + PDV 13.599,54 KM = 93.596,84 KM sa PDV-om;**
- Cijena je nepromjenjiva za cijeli ugovoreni period i izražena u KM;
- Dobavljač se obavezuje da će predmetnu nabavku, odnosno isporuku, montažu roba i opreme, te edukacije osoblja izvršiti u roku koji nije duži od 60 (šezdeset) dana od dana potpisivanja ugovora i izdavanja narudžbenice;
- Plaćanje ugovorenih obaveza vršit će se odgođeno u roku od **30 dana** od dana isporuke, montaže i kompletne instalacije i konfiguracije opreme/puštanja u rad, te okončanja obuke uposlenika, odnosno nakon potpisivanja Zapisnika/protokola o primopredaji opreme i ispostavljanja fakture;
- Garancija na predmetnu nabavku je 24 (dvasetčetiri) mjeseca i teče od dana potpisivanja zapisnika/protokola o primopredaji;

II

Izabrani ponuđač za **LOT 1 - Aparat za dijometriju sa argon generatorom za potrebe Klinike za gastroenterohepatologiju, ITALGROUP d.o.o. Sarajevo**, sa sjedištem u ulici Stara cesta bb. 71 320 Vogošća, nije dostavio dokaze u sklopu svoje ponude kojima se potvrđuje vjerodostojnost izjave o ispunjavanju uslova iz člana 45. Zakona o javnim nabavkama („Službeni glasnik BiH“, broj 39/14, 59/22 i 50/24), te je dužan u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ne starije od 3 mjeseca računajući od momenta predaje ponude.

Izabrani ponuđač za **LOT 2 - Aparat za dijometriju sa argon generatorom za potrebe Klinike za opštu i abdominalnu hirurgiju, ALFA – MED d.o.o. Tomislavgrad**, sa sjedištem u ulici Bijelog puta 5, 80 240 Tomislavgrad, je dostavio dokaze u sklopu svoje ponude kojima se potvrđuje vjerodostojnost izjave o ispunjavanju uslova iz člana 45. Zakona o javnim nabavkama („Službeni glasnik BiH“, broj 39/14, 59/22 i 50/24), te iste nije dužan naknadno dostavljati.

III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a.

O B R A Z L O Ž E N J E

U skladu sa Odlukom o pokretanju postupka javne nabavke broj 73-11-3-20108 od 12.06.2026.godine, pokrenut je postupak za **"Nabavku termokautera"**. Procijenjena vrijednost nabavke iznosi **160.000,00 KM** bez uračunatog PDV-a, a isti je podjeljen na 2 (dva) LOT-a (LOT 1. Aparat za dijabetriju sa argon generatorom za potrebe Klinike za gastroenterohepatologiju - procijenjena vrijednost je 80.000,00 KM bez PDV-a; LOT 2. Aparat za dijabetriju sa argon generatorom za potrebe Klinike za opštu i abdominalnu hirurgiju - procijenjena vrijednost je 80.000,00 KM bez PDV-a;), uz zaključenje ugovora do okončanja ugovorenih obaveza. **Sredstva za predmetnu nabavku su obezbjeđena od strane Federalnog ministarstva zdravstva** i planirana su Planom javnih nabavki za 2026.godinu, pod klasifikacijom **Investicije - robe, redni broj 253**. (Odluka o usvajanju Plana JN KCUS-a za 2026.godinu, broj 65-04-2-4149 od 03.02.2026.godine). Uslovi plaćanja predviđeni za postupak nabavke su odgođeno plaćanje 30 dana po ispostavljenom računu (na osnovu akta Sektora za finansijsko, knjigovodstvene i planske poslove br. 56-11-3-39457 od 17.11.2025.godine). Za navedeni postupak nabavke je predviđeno provođenje e-aukcije.

Prema tenderskoj dokumentaciji predmet nabavke je nabavka termokautera, a kriterij vrednovanja ponuda je najniža cijena. Na osnovu obavještenja objavljenog na portalu e-nabavke od 16.06.2026.godine tendersku dokumentaciju za postupak javne nabavke preuzelo je 16 (šesnaest) potencijalnih ponuđača, a do vremena naznačenog u Obavještenju o nabavci broj 893-1-1-303-3-734/26 do 16.07.2026. godine do 09:30 sati na Protokol KCUS-a blagovremeno su dostavljene 2 (dvije) ponude, što je evidentirano i Zapisnikom o zaprimanju ponuda broj 73-33-4-23591 od 16.07.2026.godine:

Red. broj	Naziv ponuđača	Ponuda broj i datum		KCUS broj, datum i vrijeme prijepjeća ponude	Cijene bez PDV-a (KM) po LOT-ovima	
		LOT 1	LOT 2		LOT 1	LOT 2
1.	ALFA – MED d.o.o. Tomislavgrad	//	0925270_16 od 01.07.2026.godine	10-11-3-23583 od 16.07.2026.godine u 08:20 h	//	79.997,30
2.	ITALGROUP d.o.o. Sarajevo	1626/2026 od 16.07.2026.godine	1626/2026 od 16.07.2026.godine	10-11-3-23584 od 16.07.2026.godine u 08:35 h	80.000,00	80.000,00

Analiza dostavljenih ponuda

Ugovorni organ je u sklopu tenderske dokumentacije za predmetni postupak nabavke osim zahtjeva propisanih ZJN jasno i koncizno naveo i ostale zahtjeve koje su ponuđači bili u obavezi ispuniti da bi se kvalifikovali i učestvovali u daljem nadmetanju, a pregledom dostavljenih ponuda ponuđača Komisija imenovana Odlukom broj 73-04-4-22722 od 08.07.2026.godine, je detaljnom analizom dostavljene dokumentacije za predmetni postupak nabavke, Zapisnikom o pregledu i ocjeni ponuda broj 73-33-4-23591-2 od 22.07.2026.godine konstatovala da:

1. Ponuda ponuđača **ALFA – MED d.o.o. Tomislavgrad, koji je dostavio ponudu samo za LOT broj 2** - Aparat za dijabetriju sa argon generatorom za potrebe Klinike za opštu i abdominalnu hirurgiju, **ispunjava formalno-pravne i tehničke zahtjeve** koji su traženi tenderskom dokumentacijom, te je ista ocjenjena kao **PRIHVATLJIVA** i **može učestvovati u daljem toku natjecanja**.
2. Ponuda ponuđača **ITALGROUP d.o.o. Sarajevo, koji je dostavio ponudu za oba LOT -a i to za:**
 - **LOT broj 1** - Aparat za dijabetriju sa argon generatorom za potrebe Klinike za gastroenterohepatologiju, **ispunjava formalno-pravne i tehničke zahtjeve** koji su traženi tenderskom dokumentacijom, te je ista ocjenjena kao **PRIHVATLJIVA** i **može učestvovati u daljem toku natjecanja**.
 - **LOT broj 2** - Aparat za dijabetriju sa argon generatorom za potrebe Klinike za opštu i abdominalnu hirurgiju, iako ispunjava formalno-pravne zahtjeve koji su traženi tenderskom dokumentacijom, je ocjenjena kao **NEPRAVILNA iz razloga što nije dostavljena u skladu sa traženim tehničkim zahtjevima i ne može učestvovati u daljem toku natjecanja**.

U skladu sa navedenim Komisija je donijela slijedeće zaključke:

- **Podaci o pojašnjenju, u skladu sa članom 68. stav (3) Zakona:**
Tokom postupka pregleda i ocjene ponuda nije primijenjen institut pojašnjenja u skladu sa članom 68. stav (3) Zakona.
- **Podaci o ispravkama, ukoliko su isti uočeni u ponudi i koji su urađeni na način da su vidljivi (ispravljeni podaci moraju biti vidljivi), potvrđeni potpisom ponuđača i sa datumom izvršene ispravke**
Nije bilo podataka o ispravkama.
- **Naziv i sjedište ponuđača čije ponude se odbijaju na osnovu rezultata pregleda i ocjene ponuda, i obrazloženje:**

Ponuda ponuđača **ITALGROUP d.o.o. Sarajevo, za LOT broj 2** - Aparat za dijabetriju sa argon generatorom za potrebe Klinike za opštu i abdominalnu hirurgiju, Komisija je ocjenila kao NEPRAVILNU iz razloga što nije dostavljena u skladu zahtjevima iz tenderske dokumentacije, odnosno na osnovu dostavljenih isječaka prospektne i korisničke dokumentacije, **nije dokazano da ponuđeni uređaj u potpunosti ispunjava zahtjeve iz tačaka 1.9, 1.13, 1.14, 1.16 i 1.18.** Za tačke **1.14 i 1.16 i 1.18.** dokazan je samo dio zahtjeva, ali ne i svi kumulativno traženi elementi.

- **Tačka 1.9 – „Detekcija instrumenata i debljine tkiva pri koagulaciji“**

Dokaz dobavljača - Dobavljač je označio navod u katalogu: „Latest digital signal processors – 25 million measurements/sec improves reproducibility of the tissue effect“, odnosno, navodi se da digitalni procesor obavlja 25 miliona mjerenja u sekundi i poboljšava ponovljivost efekta na tkivo, a na drugoj stranici su prikazane opće funkcije uređaja, kao što su pristup programima, podešavanje efekta i vođeno rukovanje, čime **zahtjev nije dokazan iz razloga što se** navod o broju mjerenja u sekundi i poboljšanoj ponovljivosti efekta na tkivo odnosi na brzinu obrade signala i kontrolu izlazne energije iz kojeg se ne može neposredno zaključiti da uređaj automatski prepoznaje ili identificira priključeni instrument, detektuje ili određuje debljinu tkiva, prilagođava koagulaciju na osnovu utvrđene debljine tkiva, jer brza obrada signala i reproduktivnost efekta na tkivo nisu isto što i detekcija instrumenta i debljine tkiva. Dostavljeni dokaz ne potvrđuje zahtijevanu funkcionalnost detekcije instrumenta i debljine tkiva pri koagulaciji. U označenom dijelu dokumentacije navodi se brzina digitalne obrade signala od 25 miliona mjerenja u sekundi i poboljšana ponovljivost efekta na tkivo, ali se ne navodi da uređaj prepoznaje priključeni instrument niti da detektuje debljinu tkiva. Shodno tome, ispunjenost zahtjeva iz tačke 1.9 nije dokazana.

- **Tačka 1.13 – „Mijenjanje i aktiviranje najmanje pet programa pomoću nožne papučice ili tipke na držaču elektrode“**

Dokaz dobavljača - Dobavljač je označio navod: „ReMode® function: Selection of up to 6 sub-programs directly from the operating field.“ Navodi se mogućnost izbora do šest potprograma neposredno iz operativnog polja, čime **zahtjev nije u potpunosti dokazan** iz razloga što dostavljeni navod može ukazivati na mogućnost izbora do šest potprograma, ali ne potvrđuje da se programi mogu mijenjati **pomoću nožne papučice**, da se programi mogu mijenjati **pomoću tipke na držaču elektrode**, da se na taj način programi mogu i **aktivirati**, a ne samo odabrati te da ponuđena konfiguracija zaista sadrži najmanje pet dostupnih programa. Izraz „directly from the operating field“ samo označava da se izbor može izvršiti iz operativnog polja, ali ne definiše kojim upravljačkim elementom. U dostavljenoj dokumentaciji navedena je funkcija ReMode®, koja omogućava izbor do šest potprograma neposredno iz operativnog polja, međutim, nije navedeno da se mijenjanje i aktiviranje programa vrši korištenjem nožne papučice ili tipke na držaču elektrode, kako je izričito zahtijevano tehničkom specifikacijom. Shodno tome, ispunjenost zahtjeva iz tačke 1.13 nije dokazana.

- **Tačka 1.14 – „Funkcionalno samotestiranje svih vizuelnih i akustičnih signala“**

Dokaz dobavljača - U dostavljenom uputstvu navodi se da uređaj nakon uključivanja: provodi samotestiranje; testira sve priključke; detektuje priključene jedinice i nožne papučice; osvjetljava okvire svih priključaka; prikazuje verziju softvera, čime **je zahtjev djelimično dokazan, ali nije dokazan u cijelosti**. Dokumentacija potvrđuje postojanje općeg samotestiranja uređaja i testiranja priključaka, međutim, ne navodi da se prilikom pokretanja automatski testiraju svi vizuelni indikatori i signali uređaja, svi akustični signali kao ni zvukovi koji se koriste prilikom aktiviranja rezanja ili koagulacije, jer navod da su okviri priključaka osvijetljeni ne predstavlja dokaz da su testirani svi vizuelni signali. U dostavljenom tekstu akustični signali i zvukovi aktivacije uopće nisu navedeni, a budući da je zahtjev sastavljen od više kumulativnih elemenata, dokazivanje samo općeg samotestiranja nije dovoljno za potvrdu cijele tačke. Dostavljena dokumentacija potvrđuje da uređaj prilikom uključivanja provodi samotestiranje, testira priključke, detektuje priključene jedinice i nožne papučice te osvjetljava okvire priključaka, međutim dokumentacijom nije potvrđeno da se prilikom pokretanja automatski testiraju svi vizuelni i svi akustični signali, uključujući zvukove aktivacije. S obzirom na to da su navedene funkcionalnosti kumulativno zahtijevane, ispunjenost tačke 1.14 nije dokazana u cijelosti.

- **Tačka 1.16 – „Izmjenjivi priključci i kombinovanje njihove konfiguracije“**

Dokaz dobavljača - Dobavljač je označio marketinški navod: „Easy socket exchange“, odnosno, navodi se lako mijenjanje priključaka. **Zahtjev je djelimično dokazan, ali nije dokazan u cijelosti**, jer označeni navod potvrđuje samo da se priključci mogu lako zamijeniti, a ne potvrđuje da je moguće kombinovati različite tipove priključaka, da krajnji korisnik može odabrati željenu konfiguraciju. Slika više različitih priključaka na prednjoj strani uređaja sama po sebi ne dokazuje njihovu modularnost niti mogućnost konfiguriranja prema izboru korisnika. Dostavljeni dokaz sadrži navod „Easy socket exchange“, kojim se potvrđuje mogućnost lakog mijenjanja priključaka, međutim nije potvrđena mogućnost kombinovanja različitih konfiguracija priključaka kako je tehničkom specifikacijom zahtijevana i izmjenjivost i mogućnost odabira kombinacije priključaka. Shodno tome, ispunjenost zahtjeva iz tačke 1.16 nije dokazana u cijelosti.

- **Tačka 1.18 – „Prikaz koda greške s funkcijom memorije“**

Dokaz dobavljača - Dobavljač je označio dio korisničkog uputstva u kojem je navedeno da se poruka na VIO sistemu sastoji od naslova, teksta poruke i koda.

Dokumentacija navodi tri vrste poruka:

1. poruke kojima se korisnik upućuje da kontaktira tehnički servis;
2. statusne poruke;
3. poruke kojima se od korisnika zahtijeva određena radnja;

Također je navedeno da su statusne poruke i poruke koje zahtijevaju određenu radnju prikazane u tabeli i razvrstane abecednim redoslijedom prema njihovom kodu. **Zahtjev je samo djelimično dokazan i nije dokazan u cijelosti**, jer dostavljena dokumentacija potvrđuje da uređaj može prikazati poruku koja sadrži određeni kod i time se može smatrati dokazanim prvi dio zahtjeva, odnosno prikaz koda greške ili drugog sistemskog koda, međutim dostavljeni dokaz ne potvrđuje postojanje funkcije memorije grešaka. U dokumentaciji nije navedeno da uređaj pohranjuje nastale greške, vodi

historiju ili dnevnik grešaka, omogućava naknadni pregled prethodno prikazanih kodova grešaka, bilježi datum i vrijeme nastanka greške, te da čuva kodove nakon isključivanja ili ponovnog pokretanja uređaja. Navod da su poruke u korisničkom uputstvu razvrstane prema kodu predstavlja samo način organiziranja tabele u dokumentaciji, a to nije dokaz da sam uređaj posjeduje memoriju grešaka. Dostavljena dokumentacija potvrđuje da poruke koje prikazuje ponuđeni uređaj sadrže naslov, tekst i odgovarajući kod, čime je potvrđena mogućnost prikaza sistemskog koda međutim, dokumentacijom nije potvrđeno da uređaj posjeduje funkciju memorije grešaka, odnosno da pohranjuje nastale greške i omogućava naknadni pregled prethodno evidentiranih kodova grešaka, tj. navod da su poruke u korisničkom uputstvu razvrstane prema kodu predstavlja način prikaza poruka u dokumentaciji i ne dokazuje postojanje memorije grešaka na uređaju, znači ponuđač je dokazao mogućnost prikaza poruke s odgovarajućim kodom, ali nije dokazao zahtijevanu funkciju memorije grešaka. Shodno navedenom, ispunjenost zahtjeva iz tačke 1.18 nije dokazana u cijelosti.

Budući da je zadovoljena transparentnost, te da je cijena dostavljenih ponuda koje su ocjenjene kao PRIHVATLJIVE u predmetnom postupku nabavke za LOT 1 i LOT 2. u okviru osiguranih sredstava za nabavku, predlaže se donošenje Odluke o izboru najpovoljnijeg ponuđača.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, (Službeni glasnik BiH br. 80/23) član 4. Stav 2) u kojem je regulisano kako se e-aukcija ne može provesti u slučaju prijema jedne prihvatljive ponude što je slučaj u ovom postupku nabavke jer je za oba LOT -a dostavljena po jedna prihvatljiva ponuda, Komisija predlaže da se za „**Nabavku termokautera**“ i to za: **LOT 1 - Aparat za dijametriju sa argon generatorom za potrebe Klinike za gastroenterohepatologiju**, kao i za **LOT 2 - Aparat za dijametriju sa argon generatorom za potrebe Klinike za opštu i abdominalnu hirurgiju**, postupak okonča u skladu sa članom 69. 1) a) ZJN (Sl.glasnik BiH br. 39/14, 59/22 i 50/24).

Nakon detaljnog pregleda i ocjena ponuda Komisija je putem **Izvještaja broj 73-33-4-23591-3 od 27.03.2026.godine** jednoglasno dala prijedlog Ugovornom organu da se nakon provedenog otvorenog postupka sa Obavještenjem o nabavci broj 893-1-1-303-3-734/26 od 16.06.2026.godine za „**Nabavku termokautera**“ i to za:

- 1. LOT 1 - Aparat za dijametriju sa argon generatorom za potrebe Klinike za gastroenterohepatologiju**, donese Odluka o izboru najpovoljnijeg ponuđača i ugovor do okončanja ugovorenih obaveza dodjeli ponuđaču **ITALGROUP d.o.o. Sarajevo**, u iznosu od **80.000,00 KM bez PDV-a**, u skladu sa dostavljenom ponudom broj 1626/2026 od 16.07.2026.godine (KCUS broj 10-11-3-23584 od 16.07.2026.godine), odnosno prema jediničnim cijenama iz navedene ponude.
- 2. LOT 2 - Aparat za dijametriju sa argon generatorom za potrebe Klinike za opštu i abdominalnu hirurgiju**, donese Odluka o izboru najpovoljnijeg ponuđača i ugovor do okončanja ugovorenih obaveza dodjeli ponuđaču **ALFA – MED d.o.o. Tomislavgrad**, u iznosu od **79.997,30 KM bez PDV-a**, u skladu sa dostavljenom ponudom broj 0925270_16 od 01.07.2026.godine (KCUS broj 10-11-3-23583 od 16.07.2026.godine), odnosno prema jediničnim cijenama iz navedene ponude.

Prijedlog Komisije je prihvaćen i donijeta je odluka kao u dispozitivu.



GENERALNI DIREKTOR KCUS-a

prim.doc.dr.sc.med. Alen Pilav

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri, te u skladu sa izmjenama i dopunama Zakona o javnim nabavkama, („Službeni glasnik BiH“, br. 50/24), Žalitelj je obavezan dostaviti validan dokaz o plaćenju naknadi za pokretanje žalbenog postupka